

**COV TEEB MEEM MUAJ FEEM UA QHOV TSEEB UAS YUAV LOS THAIV KEV UA KOM TAU
DAIM NTAWV TSO CAI RAU QHOV CHAW ZOV ME NYUAM
Kev Txheeb Xyuas Keeb Kwm Yav Dhau Los Ntawm Tus Neeg Uas Muab Kev Pab Tu Lwm Tus
POTENTIAL BARRIERS TO OBTAINING A CHILD CARE CENTER LICENSE
CAREGIVER BACKGROUND CHECKS**

Txoj cai hais kom Department of Children and Families muab kom tau cov foos *Qhia Tawm Keeb Kwm Yav Dhau Los (Background Information Disclosure)* uas muab ua tiav txhij txhua thiab muaj npe kos rau thiab ua cov kev txheeb xyuas keeb kwm yav dhau los ntawm tus neeg uas muab kev pab tu lwm tus (caregiver background checks) rau tus neeg uas ua ntawv thov daim ntawv tso cai rau qhov chaw zov me nyuam thiab ib tus neeg uas muaj hnuv nyoog twg uas nyob hauv thaj chaw ntawm qhov chaw uas yuav muab ua chaw zov me nyuam. Cov kev txheeb xyuas keeb kwm yav dhau los ntawm tus neeg uas muab kev pab tu lwm tus yuav tsum ua kom tiav ua ntej muab daim ntawv tso cai rau qhov chaw zov me nyuam. Cov neeg nyob hauv lub tsev uas tsis tau muaj hnuv nyoog yuav tsum xa ib daim foos *Qhia Tawm Keeb Kwm Yav Dhau Los* uas muab ua tiav txhij txhua thiab muaj npe kos rau uas yuav muab los xyuas los ntawm lub department los mus txiav txim seb puas yuav tau ua qhov kev txheeb xyuas keeb kwm yav dhau los. Tej zaum kuj yuav tsis kam muab daim ntawv tso cai rau qhov chaw zov me nyuam los yog raug txwv tsis muab daim ntawv raws li cov ntaub ntawv muab tau los uas yog ib feem ntawm qhov kev txheeb xyuas keeb kwm yav dhau los.

Hauv Lub 2 Hlis (February) 2010, tau tsim tawm ib tsab cai lij choj tshiab uas tau hloov kho daim ntawv teev cov kev ua txhaum cai loj uas yuav txwv ib tus neeg kom tsis txhob tau txais daim ntawv tso cai los mus qhib ib qhov chaw zov me nyuam los yog mus nyob rau hauv qhov chaw los yog ua hauj lwm rau hauv. Daim ntawv teev cov kev ua txhaum cai loj uas muab kev txwv tsis pub kom tau txais daim ntawv tso cai, mus nyob rau hauv qhov chaw zov me nyuam los yog ua hauj lwm rau hauv tau muab tom ua kev nrog daim ntawv no. **Tej zaum lub department yuav tsis muab daim ntawv tso cai yog hais tias tus neeg ua ntawv thov los yog ib tus neeg uas nyob hauv lub tsev tau ua ib qhov txhaum cai loj uas muab tso rau hauv daim ntawv teev npe uas muab tom ua ke ntawm no.**

Lub department tseem txheeb xyuas Department of Justice's Criminal History Database thiab Circuit Court Case Search tej ntaub ntawv raws li ib feem ntawm qhov kev txheeb xyuas keeb kwm yav dhau los ntawm tus neeg uas muab kev pab tu lwm tus. Yog cov ntaub ntawv uas tau los ntawm cov chaw no qhia tias tus neeg tau raug txhom, tau ua txhaum los yog lwm yam kev ua txhaum cai uas yuav cuam tshuam rau nws rab peev xwm los mus zov cov me nyuam los yog los mus qhib qhov kev lag luam zov me nyuam, lub department yuav ua ib qho kev tshawb nrhiav kom paub qhov tseeb seb puas yuav muab daim ntawv tso cai. Qhov kev tshawb nrhiav no yuav mus xyuas tub ceev xwm cov ntaub ntawv, cov ntaub ntawv qhia paub txog kev tsim txom thiab tsis saib tsis xyuas me nyuam, tsev hais plaub cov ntaub ntawv thiab lwm yam ntaub ntawv uas muaj feem rau txoj hauj lwm no. Lwm yam ntaub ntawv uas ntsig txog kev muab ntiab tawm (evictions) los yog nyiaj txiag xws li cov rooj plaub me uas foob kom them nyiaj (small claims) kuj yuav muab los xyuas thiab. Vim yuav tsum tau txhua yam ntaub ntawv thiab muab los xyuas kom zoo ua ntej txiav txim siab rau daim ntawv tso cai, qhov kev tshawb nrhiav kom paub qhov tseeb no kuj yuav siv sij hawm thiaj ua tiav.

Muaj ntaub ntawv ntxiv hais txog qhov kev txheeb xyuas keeb kwm yav dhau los ntawm tus neeg uas muab kev pab tu lwm tus, cov ntawv hloov kho tshiab rau tsab cai lij choj thiab cov ntaub ntawv uas hais txog yuav xyuas thiab pom zoo muaj nyob rau ntawm department lub website <https://dcf.wisconsin.gov/cclicensing/cbc>.

Kev Nyom Tsis Them Se

Lub department yuav mus nrhiav cov ntaub ntawv ua them se uas Department of Revenue muab khaws cia. Lub department yuav tsis kam lees muab daim ntawv tso cai rau ib qhov chaw zov me nyuam yog hais tias Department of Revenue hais qhia rau lub department tias tus neeg ua ntawv thov muaj kev nyom tsis tau them se raws li tsab cai s. 71 and 77, Wis. Stats. Mus saib Department of Revenue lub website kom paub ntxiv <https://www.revenue.wi.gov/Pages/FAQS/ise-occupa.aspx>.

Cov Ntawv Ua Thov ib Daim Ntawv Tso Cai Yav Tom Ntej

Yog hais tias ib daim ntawv ua thov daim ntawv tso cai zov me nyuam raug tsis kam muab, lub Department of Children and Families yuav tsis lis lwm daim tshiab mus ob xyoos suav txij hnuv uas daim ntawv ua thov xub thawj raug tsis kam muab. Yog hais tias ib daim ntawv thov raug tsis kam muab los yog ib daim ntawv pov thawj zov me nyuam raug muab rho tawm los ntawm lub county department, lub department kuj yuav tsis lis ib daim ntawv ua thov daim ntawv tso cai mus ob xyoos suav txij hnuv uas tsis kam muab los yog muab daim ntawv rho tawm.

DCF yog ib tus tswv hauj lwm thiab yog ib qhov chaw muab kev pab cuam muaj vaj huam sib luag rau sawv daws. Yog tias koj muaj ib tus mob xiam oob qhab thiab xav tau cov ntaub ntawv no ua lwm hom, lossis xav kom muab txhais ua lwm yam lus, hu rau BECR ntawm dcfclireg@wisconsin.gov, 608-421-7550 (siv dav dav), lossis Wisconsin Relay Service (WRS) 711. Rau cov lus nug txog neeg txoj cai hu rau 608-422-6889 (siv dav dav), lossis Wisconsin Relay Service (WRS) 711.